

Prof. Dr. Peter Kavelaars a presenta su lectura tocante desaroyonan fiscal na Aruba Surfside Marina



PROF. Dr. Peter Kavelaars, partner na Deloitte, professor Fiscale Economie na Erasmus Universiteit Rotterdam y docente na University of Curacao a presenta su lectura encuan to e ultimo desaroyonan fiscal actual diahuebs 18 di augustus 2016 na Aruba Surfside Marina. El a elabora e. o. di e “vermogensrendementsheffing” na Hulanda cu ta bou di precion dor cu entrada nan fictivo ta wordo belast cu en realidad no ta wordo realisa.

Pagadonan di belasting ta entama casonan contra esaki, pero toch servicio di impuesto di Hulanda ta keda impone na e manera aki. E progreso cu tin ta cu e sistema di calculacion lo cambia di un entrada figo fictivo pa un ganashi real. Dor di esaki e Gobierno lo core mas riesgo, pasobra vermogen halto lo subi e belastingdruy y ademas lo tin cu traha cu mas sumanan fictivo.

Den wowo di Hoge Raad esaki en principio no ta permiti. Dus lo por bisa cu e sistema nobo aki tambe lo wordo cambia, segun Kavelaars. Hulanda ta deliberando pa introduci un sistema caminda vermogensinkomsten real ta wordo belast.

Esaki lo conduci na un vermogenswinstbelasting – of – aanwasbelasting” cu probablemente lo wordu introduci.

Un otro tema importante cu Kavelaars a elabora riba dj’e ta e dividendbelasting cu cada biaha ta mas bou presion dor di ley Europeo. E dividendbelasting ta wordo impone mas tanto pa extranhero na Hulanda. Esaki ta bay contra e leyman di mercado liber di kapital, y no por descarta e posibilidad cu dividendbelasting lo wordo kita.

E idea aki ta contra tur iniciativa nan pa juist implementa diferente bronbelastingen contra e evacion di impuesto.

Un otro desaroyo importante den leyman europeo ta rechtspraak di Hof van Justitie di union europeo cu den algun caso a haci posibel cu “grensoverschrijdende fiscale eenheden” por wordo forma. Esaki automaticamente lo tin consecucionan p’e fiscale eenheid Hulandes. Por lo general esaki lo ta un desaroyo atractivo pa concern internacional.

Tambe Prof. Dr. Peter Kavelaars a duna atencion na e introduccion di un sistema di cambio di informacion obligatorio entre e miembronan di Union Europeo contra evacion di impuesto internacional. E sistema aki tambe ta wordo introduci na diferente paisnan rond di mundo. Actualmente mas cu 100 pais a confirma cu nan lo introduci e sistema aki.

Rulings por ehempel tambe ta forma parti di e informacionan cu ta wordu comparti den

Union Europeo. Un obstaculo importante segun Kavelaars ta e implementacion di esaki dor di departamento di impuesto. Un coriente di informacionnan importante ta wordo crea cu lo mester wordo procesa.

Otro tema importante discuti ta e topico country by country reporting cu lo tin cu conduci cu pa departamento di impuesto y publico lo bira visibel cuanto ganashi un compania multinacional ta realisa, den cua pais ganashi ta wordo realisa y cuanto impuesto ta wordo paga na e paisnan ey y tambe e introduccion di e asina yama UBO-register, cu ta un registro caminda e doño beneficiario ta wordo registra.

E registro aki lo mester bira un instrumento cu ta combati entre otro asuntonan cu a sali na cla den Panamapapers.

Finalmente Kavelaars e papia over di Brexit y e consecucionan fiscal di esaki.

Kavelaars a menciona algun escenario posibel. Na e momentonan aki ainda no ta sigur cua escenario lo wordo escogi. Te awor no ta cla cua consecucionan fiscal concreto tin.

Finalmente, mester menciona cu colega Rudie Teerling di nos oficina na Aruba a elabora den corto riba ultimo desaroyo riba tereno fiscal na Aruba, e. o. efectonan di airbnb den nos sector turistico y su efectonan fiscal pa negociante local.